

元
和
姓
纂

元和遺集



元和姓纂卷四

唐林寶撰

陽湖孫星衍

歙洪瑩同校

二十一欣

殷

子姓成湯國號也二十四代三十四王六百二十九年爲周所滅子孫以國爲姓秦末居河內野王漢初遷汝南

陳郡長平縣漢北地太守殷續始居長平魏有襄生昱生敞過江六代孫高明生不害不占不佞不害孫開山唐吏部尙書鄖節公開山姪元嗣文州刺史開山堂姪祚部尙書堂姪日用宣歙州觀察御史中丞不占孫聞禮太子中書舍人生令名令德令言令威令名金部郎中國子司業生容冬官郎中容生丞業宗正少卿令德曾孫嘉紹工書嘉紹再從

弟佐明倉部郎中令言孫踐猷生寅永寧尉寅生亮給事中
杭州刺史駕部郎中不佞生芋唐東宮學士孫躋融生浩師
師生仲堪堪元孫鈞梁五兵尙書有傳曾孫藹唐蜀文學

二十二元

元

左傳衛大夫元咺之後其先食采於元因氏焉今元城是也
其後子孫無聞

河南洛陽縣 後魏書官氏志曰拓拔氏改爲元氏自云黃
帝子昌意之後居北土代爲鮮卑君長宋書云李陵之後昌
意三十九代至昭成帝什翼犍始號代王都雲中道武改號
魏卽尊號孝文帝都洛陽改爲元氏十一代十五帝一百六
十一年爲後周所滅獻明帝生實壽鳩紇根翰力真闕婆常

山王壽鳩生遵遵生素達素達生羽鄰忠倍斤尉貨敦菩薩
淑羽鄰曾孫文遙北齊左僕射生行恭行恕行恭隋主爵侍
郎行恕隋毛州司馬生務整務真務整唐兵部郎中生知敬
知默知敬吏部郎中知默主客員外務真工部侍郎生知讓
虞部郎中太府少卿讓生昭晷晷曉曖晷侍御史晷尙書右
丞右常侍生宰寬寔曖生寓忠寓忠生盛壽興盛生懋左僕
射北地王孫煥隋工部侍郎煥生公珪公珪生大士唐吏部
中書二侍郎大士生逃邃達遜遜司門郎中生季良比部郎
中仙州刺史季良生續續生撥兼殿中御史遶生子恭潭州
司倉恭生澥全柔澥生敦義潮州刺史全柔御史中丞黔中
觀察兼御史大夫曾孫虛受朗州刺史生野順濮陽王野順
生雄雄生胄右衛大將軍朗陵公胄生仁惠懷簡懷節懷景

懷簡吏部員外懷節孫焯煒懷景尙書右丞武陵公生彥將
軍令暉令生子柔子求彥將給事中陳畱太守採訪使生子
上子哲子長子長壽興公孫詮生祐禮臣祐曾孫孝綽梓州
刺史禮臣汾州刺史懷節孫待聘生琇戶部侍郎右丞生佑
工部員外郎壽興少子勗司徒樂平王生亶亶生文豪太僕
少卿生思齊思哲思元思齊鄭州刺史思哲舒州刺史思元
右領軍思元生直南州刺史倍斤生昭昭生元綱元曾孫豈
江州刺史無泚滎州刺史綱生經經生弘嗣弘則弘嗣隋黃
門侍郎生仁人觀觀易州刺史右武衛將軍生博古述古述
古孫皓弘嗣姪孫希古都官員外孫祥生子端子建子端生
善慶師獎善慶孫慈不仕生行冲兵部郎中國子祭酒左常
侍中山獻公生允殖允修允殖和州刺史生軾貨敦元孫德

整生寶藏寶林寶藏魏州總管武陽公生神壽青州刺史寶
林生威洛州總管生守真守真生澄湛澄遂州刺史湛生誼
饒州刺史誼生申右武衛將軍申生諸兵部員外諸生從質
質生谷菩薩趙郡王孫裕生武榮武幹武榮唐汾州刺史蘄
春公會孫湛試太府卿兼河南尹衡州刺史武幹生大簡陝
州長史女爲讓帝如贈少師淑生季海振季海馮翊王司空
振六代孫光嫌考功郎中給事中紇根生虔陳畱王孫建生
琛永壽琛孫暉隋兵部尙書暉生仁器永壽生景安北齊太
保賜姓高周復本姓孫慈政唐邛州刺史生善應司賓卿同
州刺史翰秦王生儀觚儀七代孫公瞻駕部員外郎觚十一
代孫撫謙兼御史三從兄杭少府少監力真生意烈勃意烈
生伏干廣川王元孫公濟濟孫福果福果生江乘江乘生攸

勃元孫植生巖成巖隋兵部尚書平昌公生琳琳生義恭義

端義恭生孝節工部員外黃州刺史生通理希聲通理給事

中生從備右司員外郎壽州刺史從修生至河南少尹希聲

中書舍人吏部侍郎生寄壽州刺史義端魏州刺史生延壽

延福延景延祚延壽睦州刺史生愷通州刺史延福生怡怡

生偕伾偉偕歸州刺史偉三原尉延景生俳南頓丞俳生寬

霄寬比部郎中生拒楨監察御史霄侍御史延祚司議郎生

平叔縣州長史生挹搆持挹吏部員外生注洪錫錫生繇銑

洪饒州刺史生晦搆太常博士持都官郎中太武帝生景穆

帝嗣王生天賜子推新成雲休楨胡兒天賜汝陰王殿侍中

生尚書循義案魏書循義作修義右僕射安昌王均孝則孝矩孝方孝

整孝則周少師生案此處脫名隋太府卿孝矩隋洛州總管洵陽

公生端竭孝方順陽公生韶震韶唐沙州刺史震鄭州刺史
京兆王子推生恆芝中書監生昇暹昇江夏王孫孝直渝州
刺史暹生澤唐梁州都督新安王生禮誠大智誠生懷式撫
州刺史大智生萬頃光賓觀賓萬頃鳳閣侍郎光賓生詢倩
倩生正兼監察御史正生義方季方義方郟坊觀察兼御史
中丞季方兵部侍郎觀賓少府少監陽平王新成生衍安匡
衍廬陵王生叔暢祠部尙書元孫仁虔疊州刺史仁虔生思
忠思忠生權廬州刺史權生涉潮泚液液懷州刺史生銅鈿
鈿生宗簡叔暢六代孫邱比部員外任城王雲生淑紀淑左
僕射紀黃門侍郎曾孫旻左武衛大將軍安定王休生燮孫
景山唐安州總管宋安公生成壽青州刺史南安王楨孫聘
東海王梁武帝立之號建安王曾孫武壽左武衛將軍樂陵

王胡兒以天賜子永全繼永全曾孫斌生文儼文俊文儼生

利貞鄜州刺史文俊辰州刺史道武帝生淮南王熙熙曾孫

繼江陽王生又羅又侍中尚書郎羅曾孫靈遵通州別駕明

元帝晃案魏書明元帝名嗣晃乃太武帝之太子景穆帝此作明元帝晃與魏書不合生範樂安王

生良良生法益滕忻法益梁侍中生願達梁州刺史願達生

神力神儼案此下疑脫善微一人神威律師神力蒲州總管神儼右衛

郎將善微右領軍將軍神威杭州刺史律師左驍衛大將軍

滕安樂王吏部尚書生榮榮生康慎慎生端端生欽志儉欽

荊州刺史元孫彥英莫志儉蘇州刺史成安公慎生禕均禕

六代孫時中均曾孫思溫鄜州刺史平陰公生若拙德秀若

拙江夏令生亘宣楚等州刺史將作監德秀魯山令均少子

爽隴州刺史忻孫通隋魏州刺史生雄純雄生元敬襄州刺

史純邛州刺史太武帝燾生臨淮王太尉譚譚生提建提生
祐孚祐孫義遐光祿少卿生仁昉工部員外孚生子端仲仁
子端周納言元孫將茂主客郎中仲仁生將旦莒州刺史建
七代孫思莊侍御史獻文帝弘生禧幹雍羽勰咸陽王禧趙
郡王幹元孫元景左衛率高陽王雍生斌端廣陵王羽生欣
周上柱國孫巖隋龍涸公羽少子恭憫帝彭城王勰生懿七
代孫鼎思州刺史攸孝莊帝生安樂王長樂生銓五代
孫師獎鄯州刺史孝文帝弘生廣平王懷五代孫寶綝綏州
刺史韓公生顧道明堂令文帝鬱律生烏孤平陽王樂真五
代孫孝政隋衡州刺史生仲文季梁仲文唐右領軍將軍河
南公季良隋雍州司馬生懷唐恆州別駕懷生令表令本令
表工部侍郎司賓卿生欽俗匡欽俗都官郎中京兆少尹令

本生欽微樂真次子陵孫

案此處脫名

莘山王贄大司馬孫德瑜

生千祿鍾離縣令

太原 唐都官郎中元善禕稱昭成帝後南宮故事云代居

太原著姓禕曾孫谷神扶州刺史堂姪俯宋州刺史元孫結容府經略兼中丞生友直爲京兆少府

紇骨元 後魏獻帝與淑長元匹麟爲紇骨氏十七代孫紹

右司員外天授中詔改姓元氏

是云元 隋內史令元壽狀稱景帝後任城王澄子孫避余

朱榮亂投匿是云家因從其姓至隋改姓元氏壽孫元哲開

州刺史元質水部郎中生兆殷暢暢生韶河陽節度中丞

扶風 大曆中書侍郎平章事潁川公元載自云景穆後父

景升同敬同

案唐書載本寒微母攜載適景升冒姓元氏此脫

並不仕代居扶風岐

山本姓景氏或云孫姐氏垂拱初曹王明妃元氏粉田在扶
風令畀董其農植著勞遂改姓元氏生伯和祕書丞仲武祠
部員外季能校書郎

袁

媯姓舜後陳胡公滿之後胡公生申公申公生靖伯庚庚生
季子惛惛生仲牛甫甫七代孫莊伯生諸字伯爰孫宣仲濤
塗以王父字爲氏代爲上卿據祕笈新書及唐世系表增字或作爰轅其
實一也轅頗十一代孫袁生

陳郡夏陽縣 袁生元孫幹封貴鄉侯居陳郡爲著姓八代

孫良生昌昌生安安生京做京生陽案唐世系表良二子昌

作湯陽生逢隗四代五公盛於東漢璋生湧司徒湧生渙渙生

侃侃六代孫弘准曾孫質生弘豹弘元孫翻翻生叔德豹生

洵濯淑濯生槩洵生顓顓生昂昂生君政敬君政生樞憲樞
生朗唐給事中憲曾孫續駕部郎中敬孫利貞員外郎袁氏
自後漢魏晉至梁陳正傳世二十八人三公令僕一十七人
汝南 安後又居汝南至紹術絕矣

彭城 袁生之後今無聞

樂陵東光縣 狀稱紹中子熙之後裔孫令喜唐同州治中
生異弘異式異弘瀘府參軍生恕已中書令南陽王誨已潞
州刺史恕已生建康淮陽太守生高給事中高生德御度支
職方郎中太府少卿異式戶部郎中異式姪曾孫倜偁

案唐世系

表倜偁皆異式
孫無姪曾字

倜工部員外郎生師儉

京兆 狀云渙之後唐舒州刺史處弘生公瑜公玘玘生暉
中書舍人公瑜刑部侍郎生忠臣仲將忠臣左羽林將軍穎

州刺史公瑜孫守一監察御史

華陰 隋左衛將軍袁溫案唐世系表袁溫稱作袁子溫渙之後因官居華

陰生士政唐南州刺史曾孫睦丹州咸寧令生滋中書侍郎

鄭滑節度生都郊

河東 唐秋官尚書同三品太原侯袁智弘狀云本陳郡人

孫澣兼御史中丞

襄陽 狀云袁術敗後子孫分散因居襄陽唐尚書左丞袁

仁敬又祕書少監致仕袁歆膳部郎中同直左拾遺袁瓘宋

州

樊

周太王子虞仲支孫為周卿士食采於樊因命氏今河內陽

樊是也周有樊穆仲字山甫樊仲皮樊齊並其後又殷人七

族有樊氏仲尼弟子遲魯人蓋其後

南陽湖陽縣 樊齊之後漢有舞陽侯樊噲曾孫嘉爲南陽太守因家焉後漢有樊重子弘封壽張侯重迺光武外祖也一宗五侯晉永嘉南遷樊氏居淮南裔孫南齊廣平太守道理生方興梁同州刺史魚復侯方興生文熾新蔡侯文熾生靖猛毅毅陳護軍逍遙公猛陳荊州刺史富川侯生遠邃迪邃生慶德唐左司郎中千牛將軍遠孫文司衛少卿文孫晃兵部員外潤州刺史弘裔孫詠制舉及弟今止河東生澤檢校右僕射襄陽節度生宗師宗易左監門中郎樊思賢稱遠後今止江陵生沈沈遂州別駕生絀左補闕

廬江

樊弘之後晉有樊僧遠始居廬江裔孫道則梁越州

刺史生儒北齊仁州刺史儒生子車隋戶部尙書齊國公孫

思孝唐亳州刺史生忱慄忱戶部尙書生稟萬年丞慄蜀州刺史

沛國 樊噲之後今無聞

諸郡 諫議大夫樊系潤州人吏部員外樊元表監察御史樊衡並相州安陽人屯田郎中樊肫洛陽人

原

周文王第十六子原伯之後封在河內子孫氏焉周有原莊公原伯魯畿內諸侯也魯人原壤陳有原仲晉原軫亦爲原氏

魯郡兗州 今有原氏仲尼弟子憲之後

南陽 漢有漢陽太守原陽南陽太守原季自陽翟徙茂陵生涉天水太守葬父南陽子孫因居之